

**ORDE VAN DE DIENST IN STREEKTAAL
IN DE SLANGENBURGSE KERK
1 september 2024**

Voorsteller: ds. Hans Hinkamp

Organist: Sietse Strating

Welkom

Aanvangslied: LB 280: 1 – 5

Met bli'jdschap bu-w hier hen egaon um 't woord, waor God in schrif,
dat Hee zichzelf met ons verbindt, zien name an ons gif.

Hier in dit huus van holt en steen, dat störme hef deurstaon,
daor preuf i'j de gebeden nog van dee bunt veur egaon.

Dit huus, dat alle sporen dreg van al wat mensen bunt,
wil I'j dan, God, de stutte waen waor dit gebouw op lönt.

Zal dit een plaatse waen waor wi'j iets van de hemel ziet,
waor I'j Ow vinden laot deur ons, ow eng'len troost ons biedt?

Laot zien ow angezichte, Heer, ow Naam' den met ons geet,
beziel ons met ow heilig lecht, zo-t Ow veur ogen steet.

Bemoediging en groet

Gebed

Samenzang: LB 885: 1 en 2

Groot is oww' trouw, o Heer, mien God, mien Vader.

Der is gin speurken van twiefel bi'j Ow.

Bun ik ontrouw, I'j blieft altied denzelfden,
dén I'j steeds waar'n; dat bewies I'j ok no.

Refrein: Groot is oww' trouw, o Heer, groot is oww' trouw, o Heer,
iederden morgen laot I'j 't mi'j weer zeen.

Al wat ik broeke, dat heb I'j egovven.

Groot is oww' trouw, o Heer, dee-J mi'j laot zeen.

I'j geft ons vroege en vergeft ons 't verkeerde,
bunt ons as naober, geft kracht en I'j leidt;
kracht veur vandage, ne hoppe veur morgen,
I'j geft het laeven tot in eeuwigheid.

Refrein

Bezinningstekst: Vrae

Samenzang: LB 419: 1, 2 en 3

Wonen aoveral nargens thuus,
aerde, mien aerde, mien moders huus.
Vallende sterr'n, 'n glimp van de maon,
Mensen dee opstaot en laeven gaot, mensen, haenig an.

Wonen aoveral effen thuus,
handel en wandel en huus nao huus,
priezen en bieden op wies en niet-wies,
waogen en winn'n en wieter gaon, mensen, haenig an.

Wonen aoveral bi'jnao thuus,
aerde, mien hemel, mien vaders huus
greuiende sterren, 'n gräöl van de maon,
mensen dee dreumend een stemm' verstaot, mensen, haenig an.

Schriftlezing: Lucas 18: 9 – 14

Jezus vertellen nog ne geliekenis. Dee was bedoeld veur dee leu, dee zichzelf rechtvaerdig vonnen en minechtig op anderen naerkekken.

“Der gingen es twee mensen naor den tempel hen um te bidden. Den enen was ne Farizeeër, den anderen ne tollenaar. Den Farizeeër ging der es good veur staon en bidden bi'j zichzelf: ‘Mien God, ik danke Ow der veur, da-k neet zo bunne as dee andere leu: rovers, slecht volk, leu dee-t den echt braekt of as dén tollenaar daor. Ik vaste twee maol in de waeke en ik gevve tien percent van alles wat ik hebbe en verdene.’

Maor den tollenaar blef wied achteraf staon en waogen ens neet de ogen naor den hemel op te slaon, maor hee sloog zich de hande veur 't gezichte en zei: ‘O God, waes mi'j, zondaar, genadig.’

Ik zeg owleu: Déen man ging as ne rechtvaerdigen naor huus hen, dén anderen neet. Want wee zichzelf hoge anslöt, zal naor achteren ezet worden, en wel zichzelf veur te min höldt, dén zal naor veurne ehaald worden.”

Samenzang: LB 283: 1, 2, 4 en 5

In 't geruzel van geluden in 't gedelder van de tied,
zeuke wi'j het zachte suuzen van het waord dat ons verbli'jt.

Aoveral vandan ekommen, enen wel waoruut wi'j drinkt,
bidden wi'j um ni'je dreume, kiekt wi'j waor de zunne blinkt.

Laot ow dauw van vrede dalen in de voren van de tied.
Nemm' ons samen in de stralen die ow warmte gul ons biedt.

Den ons naam veur naam wilt neumen: al zien Leefde laevenslang.
Priest zien Naam in owwe dreume, allemaole, met gezang!

Overdenking

Samenzang: LB 981: 1, 2, 4 en 5

Zolang' der leu bunt op de aerde,
zolang' de aerde vruchten gif,
zolang' bun l'j jo onzen Vader,
Ow danke wi'j veur al wat laeft.

Zolang' de leu mekaar' wilt spraeken,
zolang' wi'j veur mekaar' bestaat,
zolang' zöl l'j ons neet ontbraeken,
Ow danke wi'j in Jezus' naam.

I'j bunt ons lecht, ons eeuwig laeven,
I'j redt de welt zelf van den dood.
I'j hebt ow Zonne ons egaeven,
zien lichaam is het laevend brood.

Daorumm' mot alles Ow anbidden,
Ow leefde hef dit all' ebracht,
Vader, I'jzelf, bunt in ons midden,
O Heer, wi'j bunt van ow geslacht.

Gebed, stil gebed en Onze Vader

Onze Vader, l'j dén in den hemel bunt,
ow name, laot dén eheilegd wodden;
ow koninkriek, laot dat kommen;
ow wille, laot dén gebeurn op de aerde zo as in den hemel.
Gef ons no het brood veur vandage en vergef ons onze schulden
net as wi'j vergeft dee bi'j ons in de schuld staot;
en bewaar ons veur verleiding en maak ons vri'j van wat kwaod is. Want van Ow is het
koninkriek en de kracht en de heerlijkheid,
no en alle dage. Amen.

Collecte

Slotlied: LB 425

Op pad met oww'n zegen gaot wi'j onze waege
van hier, uut dit huus, waor-t oww' stemm' wordt eheurd,
in Christus verbonden, in Um uut ezonden
op weg in ne waereld dee-t wacht op Ow waord.
Um daor in genade oww' waorde as zäöde
te zaaien töt deep' in het duusterste dal,
deur leefde edreven um leu in ons laeven
oww'n zegen te brengen, dee-t opbrengen zal.

Zegen